



- Vijeće fakulteta-

Broj: 01/6-1497/23-2

Sarajevo, 18.05.2023.godine

ZAPISNIK

**SA I. TEMATSKE SJEDNICE VIJEĆA ŠUMARSKOG FAKULTETA U SARAJEVU
ODRŽANE 18.05.2023. GODINE SA POČETKOM U 14:00 SATI**

Prisutni članovi: (pozvani putem e-maila): Prof.dr Ahmet Lojo, prof.dr Zahida Ademović, prof.dr Mersudin Avdibegović, prof.dr Besim Balić, prof.dr Neđad Bašić, prof.dr Azra Čabaravdić, prof.dr Aida Ibrahimspahić, prof.dr Jusuf Musić, prof.dr Dževada Sokolović, prof.dr Muhamed Bajrić, prof.dr Velid Halilović, prof.dr Tarik Treštić, prof.dr Ćemal Višnjić, prof.dr Sead Vojniković, doc.dr Dženan Bećirović, doc.dr Admir Avdagić, doc.dr Dino Hadžidervišagić, doc.dr Alma Hajrudinović-Bogunić, prof.dr Emira Hukić, doc. dr Jelena Knežević, mr. Amila Brajić, mr. Prljača Damir, mr. Ismet Fazlić, predstavnik nenastavnog osoblja Emina Uzunović i predstavnica studenata Selma Husejnović.

Odsutni članovi: prof.dr Dalibor Ballian, prof.dr Faruk Bogunić-opravnano odsutan, prof.dr Sabina Delić, prof.dr Sead Ivojević-opravnano odsutan, prof.dr Osman Mujezinović-opravnano odsutan, prof.dr Fatima Pustahija-opravnano odsutna i predstavnik studenata Erdal Brutus.

Ostali (obaviješteni putem e-maila): Aldijana Bilajac, dipl. iur., stručni saradnik za pravne i administrativne poslove.

Sjednica je započela u 14:00 sati.

Sjednicom je predsjedavao prof.dr Ahmet Lojo, dekan Šumarskog fakulteta Univerziteta u Sarajevu, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Vijeća fakulteta dostavljen putem e-maila poziv za održavanje I. tematske sjednice zakazane za četvrtak 18. maj. 2023. godine.

Dnevni red je izglasan jednoglasno, te je razmatran sljedeći

D N E V N I R E D

1. Razmatranje uslova za prijem i upis kandidata u prvu godinu drugog ciklusa studija na oba odsjeka (Šumarstvo-Održivo upravljanje šumskim ekosistemima i Hortikultura-Pejsažna arhitektura) na Univerzitetu u Sarajevu-Šumarskom fakultetu.

TOK SJEDNICE:

Ad-1.

Na osnovu članova 69. stav (s) i 106 (4) Zakona o visokom obrazovanju Kantona Sarajevo ("Službene novine Kantona Sarajevo", broj: 36/22), člana 104. Statuta Univerziteta u Sarajevu i zaključaka sa Sjednice Kolegija Šumarskog fakulteta od 15. 05. 2023. godine Vijeće Univerziteta u Sarajevu-Šumarskog fakulteta donosi jednoglasno sljedeću

ODLUKU

I

Utvrđuju se dodatni kriteriji za utvrđivanje redoslijeda prijema kandidata za upis na II ciklus studija Univerziteta u Sarajevu - Šumarskog fakulteta.

II

Upis na I godinu II ciklusa studija akademske 2023/2024. godine, na odsjeke Šumarstvo i Hortikultura, imaju pravo svi kandidati sa završenim I ciklusom studija i ostvarenih minimalno 180 ECTS bodova, odnosno kandidati koji su završili studij po predbolonjskim planovima i programima.

III

Rangiranje kandidata vrši se na osnovu općeg uspjeha ostvarenog na prvom ciklusu studija i srodnosti nastavnog programa studija, koji je završio kandidat, sa nastavnim programom prvog ciklusa studija Šumarstvo, ukoliko se kandidat prijavljuje na master studij „Održivo upravljanje šumskim ekosistemima“, odnosno sa nastavnim programom prvog ciklusa studija Hortikultura, ukoliko se kandidat prijavljuje na master studij „Pejsažna arhitektura“.

IV

Na osnovu općeg uspjeha na prvom ciklusu studija, izraženog prosječnom ocjenom svih predmeta, kandidat može ostvariti najviše 80 bodova. Broj bodova se računa: (Prosjek ocjena * 8).

Podrazumijeva se skala ocjenjivanja od 6 do 10. Ukoliko je primijenjen drugi način ocjenjivanja studenata na prvom ciklusu studija, prethodno je potrebno preračunati ocjene na skalu ocjena od 6 do 10.

V

Na osnovu srodnosti programa studija na prvom ciklusu studija kandidat može ostvariti najviše 20 bodova. Srodnost nastavnih programa utvrđuje Komisija za upis kandidata, koju imenuje Vijeće fakulteta, na osnovu priznatih ECTS bodova, onih nastavnih predmeta prvog ciklusa studija koje je položio kandidat a koji su ekvivalentni nastavnom programu na prvom ciklusu studija na Univerzitetu u Sarajevu – Šumarskom fakultetu. Broj bodova se računa: (priznati ECTS bodovi/180* 20).

VI

Odluka stupa na snagu danom donošenja i primjenjivat će se prilikom prijema i upisa u prvu godinu drugog ciklusa studija akademske 2023/2024. godine.

Redovna sjednica je završena 18.05.2023. godine u 15:25 h.

Dekan



Prof. dr. Ahmet Lojo

Zapisničar:



Aldijana Bilajac, dipl. iur., Stručni saradnik za pravne i administrativne poslove